

# ՏԱՐԵԲԻՔ ԱԶԴԻՎՈՒԹԵԱՆ

Պրոֆ. Ֆ. ՌԱՏՅԵԼ

## I

Մարդկային ազգի բնակութեան տեղը, կազմութիւնն  
ու ժանակութիւնը:

Մարդիկ բնակւում են երկրագնդի բարեխառն և տաք  
երկրներում ու կղզիների վրայ, մասամբ նոյնպէս հիւսիսային  
կիսագնդի ցուրտ աշխարհում: Ամբողջ մարդաբնակ աշխարհը, որի  
մակերեսով մակերեսը, առանց ծովերի, մօտաւորապէս 2,4 միլիոն աշ-  
խարհագրական մղոն է, կարելի է երկուսի բաժանել. մէկ՝ բե-  
ւեռային անմարդաբնակ սառնապատներին կից հիւսիսային և  
հարաւային ծովեղբեալ երկրները, մէկ էլ արևելեան և արե-  
մտեան, որոնց մէջ տարածուած է Ատլանտեան ովկիանոսը:  
Այս ծովեղբեալ երկրներում բնակուող ազգերն ամեն կողմից շըր-  
ջապատուած չեն իրանց նմաններով և առանձնացած դիրք ու-  
նին. այդ դիրքը հարկաւ պատճառ է լինում ազգագրական աղ-  
քատութեան: Հնդհակառակն ազգերը խմբուած են այնպիսի  
կէտերում, ուր հաղորդակցութեան նշանաւոր առաւելութիւնն  
են վայելում. այսպիսի կայանների ենք հանդիպում Խաղաղա-  
կան Ավկիանոսում, նաև մանաւանդ դրա հիւսիսային ծովեղբեալ  
երկրներում, Միջերկրական ծովի սահմաններում և միջին Ամե-  
րիկայում: Երկրի դիրքից ու կազմութիւնից պարզ երևում է,  
որ հիւսիսային կիսագունդն աւելի մեծ քանակութեամբ մարդ-  
կանց բնակալարեր է մատակարարում, քան հարաւայինը. որ  
երկրի այդ մասն աւելի ընդարձակ, ամեն կողմից շօշափուող և  
բազմատեսակ շքեղութեամբ լի աշխարհներ է ներկայացնում և  
դրանով աւելի ճոխ կազմակերպութեան կարելիութիւնն է  
առաջ բերում—մի խօսքով՝ հիւսիսային կիսագունդն  
իւր դիրքով, կազմութեամբն ու տարածութեամբը մարդկու-  
թեան զարդացման նպատակների համար ՚ի սկզբաննէ անտի  
զերազանց է հանդիսանում:

Մարդկանց, ինչպէս նաև կենդանիների ու բոյսերի ծաւալման հիմքը կազմում են դրանց կապակցութիւնը հիւսիսում և բաժանումը՝ հարաւում։ Եթէ մարդկութիւնն ի նկատի ունենանք իբրև մի ամբողջութիւն, կտեսնենք, որ նրա հիւսիսալին մասերն ընդարձակ և փոխադարձ կապակցութեան մէջ են գտնւում, իսկ հարաւալին մասերը միմեանցից բաժանուած են։ Եթէ մի ակնարկ զցենք մարդկալին ցեղերի վրայ, կտեսնենք, որ նեղրոսները պատկանում են հարաւին, իսկ մոնղոլներն ու սպիտակամորթները հիւսիսին։ Քաղաքակրթութեան ամենաբարձր զարգացումը հասարակածից դէպի հիւսիս է գըտնւում։

Առլանտեան ովկիանոսի շնորհիւ երկրի դօտու մէջ առաջացած խորին անդունդը նոյնպէս ծովեզրեայ աշխարհներ է ստեղծում։ Սակայն թէև այս աշխարհները՝ միջօրէականի ուղղութեամբ տեղի ունեցած կենդանի հաղորդակցութեամբ, ներսի երկրների բնակիչների խտութեամբ և կլիմայական աւելիյաջող հանդամանքների շնորհիւ այնպէս աղքատ չեն, ինչպէս որ հարաւի և հիւսիսի աշխարհները, բայց և այնպէս Ամերիկայում զարգացման ամենաբարձր աստիճաններն արևելեան կողմըն են գտնւում, Ամերիկայում—արևեմտեան, այսինքն Առլանտեան ովկիանոսից հեռացած եղրային երկրներում։ Անտարակոյս Աֆրիկայի ազգաբնակութիւնը սերտ կերպով կապակցուած է Ասիայի ազգաբնակութեան հետ, այն ինչ Ամերիկայի ազգաբնակութեան հետ ունեցած մօտիկ յարաբերութեան հետքնանդամ չկայ։ Սակայն այդ կապակցութիւնն ասիական ցամաքի արևելեան եղրներից աւելի հեռու է տարածւում և հասնում մինչև Ասիայի մեծ կղզիները։ Այդպիսով հիւսիսի և հարաւի եղրային երկրների մէջ առաջ է դալլա մի մեծ քաղաքակրթուած տարածութիւն, որ իբրև արևեմտեան կարելի է հակադրել Խաղաղական Ռվկիանոսի վրայով մինչև Ամերիկա հասնող արևելեանին։ Այս բաժանման հիմնական գաղափարներն են «երկաթ» և «ոչ երկաթ»։ Թէև արևեմտեան մասը հիւսիսում աւելի մեծ տարածութիւն ունի քան արևելեանը, բայց և այնպէս հիւսիսալին և հարաւալին երկրներին

մէջ տեղի ունեցած հակադրութիւնը, որ հետզհետէ աւելի ակնյալունի է լինում մինչև այդ սահմանների ուղղանկիւն կերպով միմեանց հանդիպելը, դարձեալ մնում է։ Սահմանների այդ խաչաձև իրար հանդիպելում ժամանակի տարբերութիւն է նկատում մարդաբանական և այս ազգագրական խմբակցութիւնների մէջ։ Ազգերի ամենավերջին զարգացման գործում, անկասկած, մեծ դեր է խաղացել երկաթը։ Երկաթ ունեցող և աներկաթ երկրների սահմանը միանում է ուրիշ նշանաւոր ազգագրական տարածութիւնների սահմանների հետ։ Ուր երկաթ չկայ, այստեղ անծանօթ է նաև անանապահութիւնը, որի նեցուկներն են՝ եղն ու կովը, գոմէշը, ոչխարը, ալճը, ձին, ուղղը և փիղը. աներկաթ երկրների մեծագոյն մասում անյայտ է նոյնպէս խոզ և հաւ պահելը։ Աւելի աչքի է ընկնում ընկերական և քաղաքական հանդամանքների տարբերութիւնը. Ամերիկայում, Աւստրալիայում և ովկիա նեան աշխարհներում տիրում է աւելի հնագոյն զարգացումն, այսինքն խմբերի ամուսնութիւն, (gruppenehe) օտարացեղ ամուսնութիւն (exogamie), մայրական իրաւունք և ընտանիք. իսկ Ասիայում, Աֆրիկայում և Եւրոպայում տիրում է ընտանիքի նահապետական համակարգութիւնը, այսինքն զոյգերի ամուսնութիւն և պետութիւնների կազմակերպութիւն՝ ըստ ժամանակակից հասկացողութեան։ Ուրեմն մարդկութեան մէջ էլ արևելքն ու արևմուտքը միմեանց հակառակ են կանգնած։ Ամերիկան մարդկութեան ծայրագոյն արևելքն է և այստեղ աւելի սպասելի են հին զարգացած աստիճանները՝ քան թէ Աֆրիկայում և Եւրոպայում, որ ծայրագոյն արևմուտքն են ներկայացնում։

Մարդկային ցեղերի ծաւալուիլն այսպիսի պարզ պատկեր չէ ներկայացնում։ Նեգրոսներն էապէս հարաւային ցեղ են. նրանց հիւսիսային սահմանը Աֆրիկայում անապատն է, հարաւային Ասիայում շարունակում է լեռների միջով և նկատելի կերպով գուրս է ցցւում միայն Ինդոսի անկիւնում, հիւսիսային արևադարձի վրայ, և ընկղմում է ովկիանեան աշխարհում՝ հասարակածի տակ։ Մեր աչքի առաջ ունինք ուրեմն մի հարաւային պետութիւն, որ զլիսաւորապէս պատկանում է արևելեան

կիսաղնղին, որի փակ և ամենամեծ երկրները բոլորը միասին դժուռում են արևադարձային և հարաւային բարեխառն գօտիում։ Հարաւային դիրքի վրայ աղջում են գետնի այստեղ իշխող հանդիսացող և տարօրինակ ձեւակերպութիւնները։ Մինչ դեռ հիւսիսի և հարաւի մէջ եղած աշխարհագրական հակադրութիւնն ամբողջ երկրի շուրջն է տիրում, մարդաբանական-ազգագրական հակադրութիւնը սահմանափակում է այսպէս կոչուած՝ հին աշխարհով և նրա մասերով։ Այդ տեղ է գտնում երկրի այդ մասի մարդկային լայտնութիւնների և գիւտերի հարստութեան մեծ մասը որ ամենա-բարձր զարդացման հետ ներփակում է նաև ամենասորինը։ Ամերիկայում մի ցեղ զոյութիւն ունի թէ հիւսիսում և թէ հարաւում, այնտեղ այնպիսի մեծ ազգագրական տարբերութիւններ չկան, ինչպէս որ հիւսիսային և հարաւային Աֆրիկայում, հիւսիսային և հարաւային Ասիայում և Աստրալիայում։ Մարդաբանութեան տեսակէտից Ամերիկան իր ամբողջ տարածութեամբ պատկանում է հիւսիսային երկրներին, իսկ ազգագրական տեսակէտից՝ մասամբ միայն։

Ընդհակառակն Աֆրիկայի և Ասիայի համար ամենանշանաւոր խնդիրն այն է, թէ ինչպէս են լարաբերում միմեանց հարաւային և հիւսիսային երկրները։ Այստեղ նրանք խիստ տարբերում են զանազան սահմանադերում։ Նեզրուների և հիւսիսային Աֆրիկայի մէջ տարածուած է հաղորդակցութիւնը խանդարող անապատը. այդ մասերից ամեն մէկը մեծ է և ինքնուրոյն։ Հարաւային Ասիան բաղկացած է հիւսիսից և մէջտեղը ոչ բոլորովին բաժանուած ու թոյլ կերպով միացած մասերից։ Հնդկաստանն այնպիսի ազդեցութիւնների է ենթակայեղել, որոնք տարբերում են նրան Աֆրիկայից. մարդաբանական և մասամբ նոյնպէս ազգագրական տեսակէտից՝ Աֆրիկան աւելի հին, այսինքն միւնոյն ծագման աւելի քիչ փոփոխուած դրութիւնն է ներկայացնում, քան Հնդկաստանը։ Վերջապէս Մալայեան երկիրը Մագակասկարով և Հնդկաստանով որոշում է հիւսիսային ազգերի ճիւղերի մուտքը դէպի Հնդկա-աֆրիկական աշխարհները։

Քանի որ Աֆրիկայի հիւսիս-արևմտեան ծալքից մինչեւ

Ֆիդշի ձղուող տարածութեան վրայ սեամորթ ցեղերը շփում էին սպիտակամորթների հետ, հասկանալի է, որ դրանք միմեանց հետ պէտքէ խառնուէին: Այսպիսի զանազան աստիճանի խառնուրդ ունեցող ցեղերը բնակւում են Սուղանում, Սահարայում, հիւսիսային և միջին արևելեան Աֆրիկ այում, հարաւային Արաբիայում, Մադակասկարում, հարաւային առաջաւոր և անդրդանգէսեան Հնդկաստանում և Աւստրալիայում: Նեղրոսների խառնուրդի մի-մի հետք գտնում ենք հարաւային Եւրոպայում և Ճայրագոյն Պօլինէզիայում: Փակ դրութեամբ միայն աւստրալիական լաւորոշող ցեղը կարողացել է զարդանալ: Աւամորթ, զանգրահեր և երկարագլուխ այդ ցեղն առաջացել է ըստ երեւոյթին պապուասների և մալայ-պոլինէզեան տարրերի խառնուրդից: Պապուասների – տիպի ըստ ճադման անյատ առանձնայատկութիւնն այստեղ ևս աչքի է ընկնում. դրան աւելանում է նաև այն ախտաբանական շարժառիթը, որ գտնւում է քաղաքակրթութեան ստորին աստիճանի և աղքատիկ կեանքի թողած հետքերի մէջ:

Պիմիայն ծովերի ջրային մակերեսովթը հաւասարւում է երկրի ամբողջ մակերեսովթի համարեա երեք քառորդին. այսպիսով բոլոր ցամաքն՝ իրենից համարեա թէ երեք անգամ մեծ ծովի մէջ գտնուող կղզի է: Մարդկութեան զանազան մասերն իրենց պատմական տեղափոխութիւններով շատ անգամ հասել են ծովին. նաւագնացութեան գիւտից առաջ կար ժամանակ, երբ ծովը մարդկութեանը շրջափակում էր երկրի այն սահմաններում, ուր նրա որորանն էր: Նաւագնացութեան գիւտը, որի առաջին արգասիքը վազուց արդէն կորել է, — երկրի ամեն մասերում մենք գտնում ենք նաւագնացութեան արուեստի բարձր զարգացման և դրա հետ միասին այդ արուեստի անգիտութեան հետքեր — կարելի դարձրեց մարդկանց ծաւալուիր երկրի համարեա թէ բոլոր մարդաբնակ մասերում: Երկրի զանազան մասերում պատահում ենք նաւաշինութեան և նաւագնացութեան արուեստի զարգացման բարձր աստիճանների՝ ամենից շատ խաղաղական Ռվելիանոսում և ամենից քիչ Ատլանտեան Ռվելիանոսում: Նաւագնացութեան արուեստն անհաւասար տա-

բանուելով շուտով մոռացուելու յատկութիւնն է կրում, այդ պատճառով և նրա չգոյութիւնն ու նոյն իսկ չիշուելն ի նկատի ունենալով՝ չպէտք է շուտով եղրակացնենք, որ մարդիկ բոլորովին և շարունակաբար հեռու են մնացել ծովից։ Մարդաբանակ աշխարհի այժմեան մեծութիւնը մի վաւերագիր է մարդկութեան խորին ծերութեան՝ այն տեսակէտից, որ սակաւաթիւ հեռաւոր և փոքրիկ կղզիների բացառութեամբ, համարեան թէ արդէն բռնում է բնակութեան յարմար բոլոր տեղերը։

Ճրի ընդարձակ ծաւալուիլը մարդու համար սնունդի հարուստ աղբիւրներ բացեց և այդ պատճառով էլ ջրի եղերքների վրայ մարդկային խիտ բնակութիւններ հաստատուեցին։ Ճրի ծաւալման շնորհիւ կարելի դարձաւ հեռաւոր հաղորդակցութիւնը, որ հին ժամանակներն անկարելի էր՝ ամեն տեղ թշնամիներով լցուած երկրների միջավ. բարձր քաղաքակրթութիւնն էլ եղերքներից տարածուեց դէպի երկրի ներսերը։ Այդ պատճառով և ջրի ծաւալուիլը մարդկանց հողու վրայ նոյնպէս զարմանալի ներգործութիւնն ունեցաւ. ամենայն տեղ նկարուած աշխարհի պատկերներում տեղ է բռնում ծովի հորիզոնը։ Ճատերը երկիրն ըմբռնում են իրեւ ընդարձակ ծովի մէջ գտնուող կղզի և հանդերձեալ աշխարհը՝ հեռու, ծովի մէջ։ Այդ պատճառով էլ հոգին ջրի վրայով պէտք է ճանապարհորդէ. դրանից է առաջանում նաև այն հանգամանքը, որ դագաղին տըրւում է նաւակի ձև, նաւակը թաղւում է կամ թէ փոքրիկ նաւակը ծառայում է գերեզմանաքարի տեղ – ինչպէս դայեակներն են անում։

Մարդկային սեռի միութիւնն այն երկրային և մոլորակային յայտարար նշանն է, որ յատուկ է ստեղծագործութեան ամենաբարձր աստիճանին։ Իրաւացի է, երբ զիտնական մտքով խօսում ենք մարդկային սեռի միութեան մասին, եթէ միութիւն ասելով հասկանում ենք՝ ոչ թէ միատեսակութիւնը, այլ ժողովուրդների կեանքի ամեն ասպարէզներում վկայութիւններով ապացուցուած միաբանութիւնը հաղարաւոր տարիներ պարփակող պատճութեան մէջ, ինչպէս նաև բնութիւնից տըրւուած բնական հողի միութիւնը։ Եթէ քաղաքակրթութեան յա-

ռաջադիմութեան ամանակը — տեմպօ — վերջին պատմական դարաշրջաններում մասամբ այնպէս արագ է ընթացել, որ որոշ աղջախմբեր միւսներից շատ առաջ են անցել, այնուամենայնիւ այսօրուայ մարդկութեան ինչպէս ամենաբարձր, նոյնպէս և ամենաստորին շերտերի մէջ կարելի է գտնել ընդհանուր ստացուածքի մեծամեծ մնացորդները։ Եթէ հարց տրուի այդ ընդհանուր ստացուածքի ծագման մասին, կարելի է նորից մատնացոյց անել այն հանգամանքը, որ անդուկ շարժողութիւնն է մարդկութեան նշանացոյցը։ Դրա ոյժի և յարատեռութեան հետ համեմատելով՝ երկիրը փոքր է. Հազարաւոր սիրունդներ, որ մեզնից առաջ են եղել, նոյն — իսկ առանց կամենալու էլ, կարող էին երկրի շուրջը պտտել՝ սկսած այն վայրկեանից, երբ ծովի ու գետերի վրայով ընթացող նաւերը գտնուեցան։ Սակայն այդ վայրկեանը շատ հեռու է մեզանից։ Միմիայն կարճատես յաւակնութիւնը կարող է համարել իրեւ ընդհանուր պատմութեան դեռ ևս չհասած գագաթնակէտ այն հանգամանքը, որ Ամերիկայի զիւտից յետով, 400 տարուայ ընթացքում, եւրոպացիք կտրողացան իրենց հետ միասին տարածել այնտեղ նաև իրենց քնտանի կենդանիները, պէտքական բոյսերը, զէնքերն ու զործիքները, իրենց կազմակերպութիւններն և կրօնը։ Կոլումբոսից առաջ միայն նօրմանները չեն գտել Ամերիկան։ Այս աշխարհը, որ մենք փըուն խօսքով «Նոր» ենք անուանում, արևմուտքից աւելի քան մէկ անգամ պէտքէ գտնուած լինէր, մինչեւ որ գունատագէմք եւրոպացիներն, իրեւ վերջին գտնողներ, արևելեան կողմից մօտեցան նրա ափերին։ Երբ մալայեացիները հազիւ մի քանի դարերի ընթացքում, 200 երկարութեան աստիճան տարածութեամբ սփռուեցան, Մազակասկար և Յստեր կղզիների վրայ, — ինչպէս որ ապացուցւում է այդ նրանց լեզուով և ուրիշ հանգամանքներով, — երբ եւրոպացիների զիւտից յետով Ամերիկայում առանձին ցեղերն իրենց բնակավայրերից հինգ հարիւր մղոն հեռացան, երբ Աֆրիկայի ամբողջ կէս մասի վրայ, լայնութեան քառասուն աստիճանների տարածութեամբ միմիայն բարբառով զանազանուող — ինչպէս օրինակ վերին և ստորին գերմաներէնը — մի լեզու է խօսւում պէտք է համաձայնել, որ եւ-

բոպական քաղաքակրթութիւնն առաջինը չէ, որ տարածուել է ամբողջ աշխարհում։ Մեծ տարբերութիւնը միայն այն է, որ ինչ այսօր տեղի է ունենում գիտակցօրէն, նախորդ հազարաւոր տարիների ընթացքում կատարուել է անորոշ ընազգմամբ՝ ընդհանուր պատմութեան ընթացքում Աղէքսանդրի և Կօլումբոսի ձեւքով, իսկ ոչ պատմական ժամանակներում՝ հազարաւորների շնորհիւ։

Մարդկանց թիւը սերտ կապ ունի ընակութեան տեղի հետ, որովհետև վերջինս նշանաւոր ազդեցութիւն ունի նրանց ներքին զարգացման, ծաւալման և յարաբերութիւնների վրայ։ Մարդկանց այսօրուայ հազար հինգհարիւր միլիոնի չափ հաշուող ընդհանուր թիւը պէտք է նկատենք արդիւնք այնպիսի զարգացման, որին առաջ չէր հասել մարդկութիւնը։ Այժմեան հանգամանքների զարգացումն աւելի մեծ չափով կախումն ունի ազգաբնակութեան շատութիւնից, քան թէ կարծւում է սովորաբար։ Ազգերի կազմակերպութիւնը, եւրոպական և ասիական քաղաքակրթութեան շրջանից դուրս, թոյլ չէ տալիս խիտ ազգաբնակութիւն հաստատելու։ Երկրի մի աննշան կտորը մշակող փոքրիկ համայնքները միմեանցից բաժանուած են ընդառակ դատարկ տարածութիւններով, որոնք կամ իբրև որսառեղի են ծառայում, կամ թէ անպէտք դատարկ ընկած են։ Գրանքը ըստ կարելոյն սահմանափակում են հազորդակցութիւնը. մարդկանց աւելի մեծ և մնայուն ամբոխումն անկարելի է այդտեղ։ Արսորդութեամբ զբաղուող ազգերը, որ բոլորովին երկրագործութեամբ չեն պարապում կամ թէ շատ չնչին տեղ են տալիս դրան, յաճախ այնպէս անօսր են ընակում, որ ամեն մի քառակուսի մղոնի վրայ միայն մի մարդ է ապրում. հազուագիւտ չէ նաև աւելի անօսր մարդաբնակութիւն։ Արտեղ մի փոքր երկրագործութեամբ ևս զբաղուում են, ինչպէս օրինակ հնդկական շատ ցեղերի, դայեակների և պապուասների մօտ, տասից մինչև քառասուն մարդ են ապրում մի քառակուսի մղոնի վրայ։ իսկ Աֆրիկայի ներսը և Մալայեան Արշիպելագոսում, ուր երկրագործութիւնն աւելի քարձր զարգացմանն է հասել, մի քառակուսի մղոնին զալիս է հարիւրից մինչև երեքհարիւր մարդ։ Հիւ-

սիսային Ամերիկայի Հիւսիս-արևմտեան եզրաքնակ և ձկնորսութեամբ զբաղուող աղջերը բնակւում են իւրաքանչիւր քառակուսի մղոնի վրայ մինչև հարիւր մարդ. Նոյն խտութեամբ են բնակւում նաև թափառական հովուական ցեղերը: Ավկիանեան կղզիներում, ուր թէ ձկնորսութեամբ և թէ երկրագործութեամբ են պարապում, իւրաքանչիւր քառակուսի մղոնի վրայ գտնուում են մինչև հինգհարիւր մարդ: Նոյնչափ խտութեամբ են բնակւում նաև առաջաւոր Ասիայի մեծ մասամբ անապատանման երկրներում ապրող թափառական և նստակեաց խառն ցեղերը: Այսպիսով արդէն ոտքներս դրինք հողի մի ուրիշ ձւակերպութեան շեմքը, որն իւր հնդկական-ասիական երկըրներում իւրաքանչիւր մղոնի վրայ կերակրում է տասը հազարից աւելի մարդ, իսկ եւրոպականում, արդիւնաբերութեան և հաղորդակցութեան օգնութեամբ, տասնեւհինգ հազար մարդ:

Արդէն այս թուերը ցոյց են տալիս զանազան գոտիներում և երկրներում ապրող ազգերի սոորին աստիճանացոյցը: Բոլոր բնական ազգերը բնակւում են անօսր տարածութեան վրայ: Բարձր քաղաքակրթութեան հետ միանում է նաև խտաբնակութեան բարձր աստիճանը: Առաջիններն աւելի մեծ կախումն ունին գետնի յատկութիւնից, քան վելչինները. միատեսակ կազմութիւն ունեցող երկրներում նրանք ընդհանրապէս հաւասարաչափ խտութեամբ են բնակւում: Լաւ մշակուած, բայց անօսր բնակուած, ընդարձակ ցորենի դաշտերի և պարտէզներով ծածկուած խտաբնակ երկրների տարբերութիւնները քաղաքակրթութիւնից են առաջանում:

Խիտ ազգաբնակութիւնը գրաւական է ոչ թէ միայն զօրեղ աճման, այլ նաև քաղաքակրթութեան անմիջական յառաջադիմութեան: Մարդիկ որչափ աւելի մօտ շօշափեն իրար, այնչափ աւելի կհաղորդեն միմեանց իրենց մտքերը, այնչափ աւելի քիչ քաղաքակրթութեան արդիւնքներ կկորչեն, այնչափ աւելի կբարձրանայ բոլոր ոյժերի գործադրութեան մրցումը: Ազգերի թուի աւելանալն ու հաստատուն դառնալը սերտ կապակցութիւն ունի քաղաքակրթութեան զարգացման հետ: Ուր ընդարձակ տարածութեան վրայ անօսր ազգաբնակութիւն կայ,

այնտեղ քաղաքակրթութիւնն էլ ստորին աստիճանի վրայ է գտնուում. իսկ թէ հին և թէ նոր քաղաքակրթութեան կենդրոններում՝ միշտ խիտ ազգաբնակութեան ամբոխումն է եղել։ Չինաստանում և չնդկաստանում վեցհարիւր միլիոնից աւելի մարդ է բնակւում, այն ինչ դրա չափ տարածութիւն ունեցող ներքին Ասիայի՝ Մոնղոլիայի, Տիբէթի և արևելեան թուրք ազգերի երկրներում հաղիւ դրա վաթսուներորդ մասը։ Երկրի մարդաբնակութեան վեց-եօթերորդական մասը պատկանում է քաղաքակրթուած երկրներին։

Մինչդեռ եւրոպական աղգերի պատմութիւնը դարերից ի վեր աճման նոյն հաստատուն ձգտումն է ցոյց տալիս, որ արդէն տեսնում ենք հնագարեան պատմութեան մէջ, բնական աղգերը տատանման և լետաղիմութեան այնպիսի օրինակներ են ներկայացնում, որ առաջինների մօտ չենք հանդիպում կամ թէ միայն կարճ ժամանակով ենք գտնում՝ այն էլ պատահական հանգամանքների աղգեցութեան շնորհիւ, ինչպէս օրինակ պատերազմների և համաճարակների միջոցին։ Անօսր մարդաբնակութեան մէջ ինքն ըստ ինքեան արդէն գտնում է նրա դիւրին կերպով անկման առիթը. այդ փոքրիկ թուերն աւելի հեշտութեամբ են անյայտանում ու կորչում։ Քաղաքակրթութեան ստորին աստիճանի վրայ գտնուող բոլոր աղգերի յատկութիւնն է՝ կենսական ոլժերի շուտափոյթ սպառումն։ Դրանց տնտեսական կոռւանն անձուկ ու թերի է, չափաւորութիւնը յաճախ հասնում է աղքատութեան, կարիքը շատ շուտ-շուտ է հիւր գալիս դրանց մօտ և չկան այն նախազգուշացուցիչ միջոցները, որով բժշկականութիւնը շրջապատում է մեր կեանքը։ Արկտիսի և հարաւային կիսագնդի անապատներում բնութեան արտաքոյ կարգի զօրեղ ոլժերի հետ կռուելով՝ երբեմն, նաև մանաւանդ մարդաբնակ աշխարհի սահմաններում, ամբողջ աղգեր կատարելապէս բնաջինջ են լինում, մեռնում։ Յանախակի յիշուած բնական աղգերի բնաջինջ լինելը սխալմամբ համարւում է միմիայն իրեւ հետևանք՝ իրենցից աւելի քաղաքակրթուած աղգերի հետ ունեցած շփման։ Սակայն խնդիրն աւելի մանրամասն հետազոտելով՝ երկու դիպուածի ենք հանդիպում։

առաջինն է ինքնակործանումը, երկրորդը՝ գերակշռող քաղաքակրթութեան ազդեցութեան շնորհիւ առաջացած բնաջինջ լինելը: Սովորաբար երկուսն էլ միասին են ներգործում. ոչ մէկը դրանցից առանց միւսի դործակցութեան՝ չէր կարող այնպէս արագ իր նպատակին հասնել: Ազգերի առողջ աճման հիմքն է երկու սեռի մօտաւորապէս հաւասար թիւը. բնական ազգերի մէջ սովորաբար այդպէս չէ լինում և տղաների թիւը ըստ մեծի մասին փոքր է: Մալտուսի «Հաճոյական խոչնդուր» յատուկ է մարդուն, որի հայեացքն ուղղուած է դէպի ապագան: Սակայն մարդկային հասարակութեան մէջ բարձրագուն դասակարգերին չէ վերապահուած՝ «Ժամանակաւոր դուարճութեան զոհելով՝ մշտական բարեկեցութիւն ձեռք բերել», այլ այն բոլոր միջոցները, որ կարող են արդելք լինել բազմանալուն, մեծ չափով գործ են դրւում ամենաստորին խաւերում. գլխաւորապէս սլատերազմը, սպանութիւնը և մարդկանց յափշտակելը: Այդտեղ մարդկային կեանքի արժէքը շատ չնչին է. դրա ապացուց կարող է համարուել մարդագոհութիւնն ու մարդակերութիւնը: Վերջապէս բնական ազգերը շատ հեռու են այն իդէալական առողջութիւնից, որ թիւրիմացութեամբ վերագրել են նրանցը. միմիայն Աֆրիկայի նեղրոսները կարող են իբրև շատ պնդակազմ ցեղ համարուիլ: Ընդհակառակն աւստրալիացիք, ովկիանացիք և ամերիկացիներն աւելի ևս ենթակալ են հիւանդութեանց, քան քաղաքակիրթ մարդիկ և աւելի դժուարութեամբ են օդընտելանում: Անկասկած է, որ դրանք շատ տեղերում, դեռ եւրոպացիների հետ շփուելուց առաջ, սկսել էին կամաց-կամաց ծիւրուիլ: Սակայն քաղաքակրթութիւնն էլ յետոյ այդ խանգարումը հասցնում է մինչև վերջին ծայրը՝ անցկացնելով այն տարածութիւնը, որի ընդարձակութեանը յարմարեցրած էր բնական ազգերի առանձնայատուկ հասարակական և քաղաքական յօրինուածութիւնը: Քաղաքակրթութիւնը ներմուծում է այնպիսի պահանջներ և հաճոյքներ, որոնք այդ մարդկանց վարած կեանքի եղանակին և աշխատանքի կատարմանը չեն համապատասխանում. քաղաքակրթութիւնը բերում է դրանց համար անծանօթ ու սարսափելի աւերիչ հիւանդու-

թիւններ և անխուսափելի վէճեր ու կռիւներ։ Մեծ երկրներում, ինչպէս օրինակ Հիւսիսային Ամերիկայում, Աւստրալիայում, Նոր-Զէլանդիայում, քաղաքակրթութեան յառաջադիմութեան հետեանքն եղաւ բնիկների յետ մղուիլը դէպի երկրի ամենայարմար մասերը և դրա հետ սերտ կապակցուած այդ մարգկանց քանակութեան նուազումը։ Փոքր երկրներում, նա մանաւանդ ովկիաննեան կղզիներում, բայց նաև Կուբա և Հայտի կղզիների վրայ բնիկները մասամբ բնաջինջ են եղել, մասամբ էլ խառնուել ուրիշ ցեղերի հետ և յամենայն դէպս՝ անյայտացել։ Որտեղ որ աւելի ստորին աստիճանի վրայ դժնուող ցեղերի մեծ տոկունութեան և յաջող բնական յարաբերութեանց շնորհիւ ոչնչացման գործողութիւնը դանդաղել է, — ինչպէս Աֆրիկայի զանազան մասերում, Հիւսիսային Ամերիկայում, Մէքսիկայում — այնտեղ տեղի է ունենում խառնուրդի կազմուելը, որ շուտով իւր վերջնական նպատակին կհասնի, այսինքն կոչնչացնի բնիկների առանձնայատկութիւններն ու ինքնուրոյնութիւնը։ Արդէն մեծ տեղափոխութիւններ են տեղի ունեցել, շատերն էլ սկսել են տեղի ունենալ և շատ ընդարձակ տեղերում ազգերն ենթարկւում են այս կրաւորական շարժմանը։ Հիւսիսային Ամերիկայում մինչև 95<sup>0</sup> արևմտեան երկարութեան մնացել են միայն հնդիկ ցեղերի տիսուր աւերակները. Վեկտօրիայում և Նոյզիւդվալէսում հազիւ թէ հազար մարդ մնացած լինի բնիկների սերունդներից, իսկ Հիւսիսային Ասիայի, Հիւսիսային Ամերիկայի, Աւստրալիայի, Ավկիաննեան կղզիների եւրոպականանալը միմիայն ժամանակի խնդիր է։

Հազարաւոր փորձերն արդէն այժմ ցոյց են տալիս մեզ, որ այսպիսի շարժումների և տեղափոխութիւնների միջոցին ցեղերը չեն կարող անփոփոխ մնալ, և նոյն իսկ ամենամեծ ցեղերը, որոնց ներկայացուցիչների թիւը հարիւրաւոր միլիոնների է հասնում, չեն կարողանում դիմանալ ամեն կողմից մըունչող կոհակների ժայռերին դիպչելուն։ Երկրի շատ մասերում փոթորկալի կերպով է առաջ դնում ցեղերի խառնուելու գործը։ Հիւսիսային կ արևելեան Աֆրիկայից արաբներն ու բերբեր ցեղին պատկանողներն առաջ են դնում դէպի նեղրոսները, որոնց հեռաւոր ցեղակիցները հասնում են մինչև հարաւային

ծայրը, իրենց սեմիտական գծագրութեամբ։ Հոթէնդոտների տեղը բռնում են խառնածնունդները, եւրոպացիների հետ խառնուածները։ Կանադայում համարեա ֆրանսիական բոլոր գաղութների յատկութիւնն է հնդիկների հետ խառնուիլը, միջին և հարաւային Ամերիկայում արդէն այսօր մեստիցներն ու մուլատներն աւելի պնդակազմ են, քան թէ բուն հնդիկները, Պվկիանիայում վաղուց արդէն մալայեա-պոլինէզիացիք լերեան են եկել նեղրոսների մէջ, ամբողջ ներքին Ասիայում իշխող են հանդիսանում մոնղոլական-չինական և եւրոպական խառնուրդները, նրանք հասնում են մինչև Եւրոպայի խորքը և ազդում են մեր աշխարհամասի արևելքի ու հիւսիսի վրա։ Այս գործողութեան ընթացքում՝ թէ աւելի մեծ քանակութիւնը, թէ արագ աճումը և թէ արուեստների գերազանցութիւնը միշտ յօդուտ քաղաքակրթութեան բարձր աստիճանի վրա գտնուողների է լինում, եթէ միայն կլիման չէ խանգարում։ Քաղաքակրթութեան բարձր աստիճանների վրա գտնուողները ոչնչացնում են ստորին աստիճանների վրա գտնուողներին նաև այն գէպքում, երբ առաջինները մեծամասնութիւն չեն կազմում։ Եթէ բնական աղքերի ընդհանուր անյատանալու մէջ մի որևէ է մխիթարական բան կալ, այդ այն ստորդ հանգամանքն է, որ դրանց մեծ մասը խառնուելով քաղաքակրթագերի առաւելապէս վատ յատկութիւնները, բայց բաւական է մի հայեացք ձգել ներկայ ժամանակի ժողովուրդների կեանքի վըրալ, որպէս զի տեսնենք, որ մուլատները, մեստիցները, արաբների ու նեղրոսների խառնուրդները հիւսիսային և հարաւային Ամերիկայում և Սփրիկայում հնդիկների ու նեղրոսների առաջնորդներն են հանդիսանում։ Մի անդամ սկսուած խառնուրդը շարունակւում է և քաղաքակրթուած ցեղի արեան ամեն մի նոր հոսանքը հետղհետէ հաւասարեցնում է գոյութիւն ունեցող տարբերութիւնները։

Եթէ ընդհանուր պատմութիւնը քաղաքակրթութեան,

թէև ընդհատուող, բայց այնուամենախիւ առաջ դիմող ծաւալումն է ցոյց տալիս երկրիս վրայ, դրա զօրաւոր գործոնն է քաղաքակիրթ ազգերի քանակութեան բնական գերակշռութիւնը։ Մինչդեռ արագապէս աճող ազգն իւր աւելորդը ուրիշներին է տալիս, բարձր քաղաքակիրթութեան ազգեցութիւնն ինքն ըստ լնքեան գերակշռող է հանդիսանում, քանի որ այդ է խիստ բազմանալու պատճառը կամ պայմանը։ Այսպիսով քաղաքակիրթութեան ծաւալումն երևում է մեզ իբրև՝ քաղաքակիրթ ազգերի ինքն իրեն ընթացքն արագացնող շարունակաբար աճումն երկրիս վրայ, որ շարունակ ձգտում է աւելի ևս կատարեալ կերպով իրագործել իբրև նպատակ և խնդիր, յոյս և ցանկութիւն յառաջադրուած մարդկալին սեռի միութիւնը։

Ի վերջոյ՝ եթէ փորձենք հակառակ ընթացքով հետախուզել այն ճանապարհները, որով ընթացել են մարդկութեան ամենանշանաւոր մասերը, իբրև սկզբնակէտ մարդկալին կդժնենք միատեսակ, միաժամանակ և միատեղ դոյութիւն ունեցող շատ փոփոխութիւններ, կամ ինչպէս Բլումէնքախն է ասում, այլասերութիւնները, որ առաջ սակաւ կէտերում են միասին հաւաքում, որպէսզի լետով, հաղորդակցութեան շատանալովն աւելի ևս միմեանց շօշափելու ու վերջը միմեանց այնպէս մղելու և խառնակուելու, որ սկզբնական տեսակներից այսօր ոչ մէկն էլ գոյութիւն չունի՝ իր նախնական առանձնալատկութիւններով։ Սակայն դրանց մնացորդները ցոյց են տալիս այն երկու մեծ հակադրութիւնները, որ գոյութիւն ունեն գեռ այսօրուայ ցեղերի մէջ ևս՝ հիւսիսալին կիսագնդի—սպիտակ և մոնղոլական ցեղերը—և հարաւալին կիսագնդի—նեղրոսների ցեղը—մէջ։ Դրանց պատկանում են ցամաքալին միութեան և ովկիանական բաժանման հակադրութիւնները, հիւսիսալին բևեռալին երկրների խորքը մտած և ովկիանոսի միջոցով բևեռալին ազգեցութիւնից բաժանուած աշխարհի հակասութիւնները։ Նեղրոս ազգերը կարող են մի անգամ աւելի հիւսիս ապրած լինել, քան այժմ, ինչպէս Աֆրիկայում, նաև Ասիայում և Խաղաղական ովկիանոսում, յամենայն դէպս նրանք բնակւում էին

իրանց այժմեան բնակավայրերի սեղմուած տեղերից դէպի հարաւ:

## II

Բնական ազգերի դիրքը մարդկութեան մէջ:

Նախ մի երկու խօսք ասենք այս էջերում յաճախ կը ըկնուող «բնական ազգեր» անուան վերաբերմամբ: Այս անունը մենք տալիս ենք այն ազգերին, որոնք աւելի ենթակայ են բնութեան ճնշմանը կամ աւելի կախումն ունին բնութիւնից, քան թէ քաղաքակալիրթ ազգերը: Այս անունն արտայայտում է այն տարբերութիւնը, որ զոյութիւն ունի կեանքի եղանակը, հոգեկան ընդունակութիւնների և պատմական դրութեան մէջ. քանի որ այս անունն այդ ուղղութեամբ ոչինչ չէ բացատրում և նախապաշարում, հէնց այդ պատճառով էլ կրկնակի յարմար ենք գտնում մեզ համար: Մենք ասում ենք բնական ազգեր ոչ թէ նրա համար, որ նրանք ըստ կարելոյն սերտ յարբերութիւն ունին բնութեան հետ, այլ որովհետեւ նրանք ապրում են բնութեան ննշման ներքոյ: Բնական և քաղաքակալիրթ ազգերի տարբերութիւնը պէտք է որոնել ոչ թէ իրանց՝ բնութեան հետ ունեցած կապակցութեան աստիճանի, այլ այդ կապակցութեան տեսակի մէջ: Քաղաքակալիրթութիւնը բնական աղատութիւն է ոչ թէ լիակատար անջատման մտքով, այլ բաղմապատիկ, լայն և ընդարձակ կապակցման տեսակէտով: Հացահատիկն իւր շտեմարանում ամբարող գիւղացին նոյնչափ վերջնական կախումն ունի իւր արտի հողից, որչափ ճահիճներում ջրաբրինձ հնձող հնդիկը, որ ինքը չէ ցանել. սակայն այս կախումն ունենալն առաջինի համար այնչափ ծանր չէ, որովհետեւ նա իմաստութեամբ պաշար ժողովելով՝ այդ սորկութեան շղթալի ներքոյ այնքան էլ հեշտութեամբ չէ ճընշում. այն ինչ ամեն մի փոթորիկ, որ ըրնձի հասկերը ջուրն է թափում, երկրորդի կեանքի նեարդերն է շօշափում: Մենք բնութիւնից ամբողջովին չենք ազատուի, եթէ նրան մանրամասն ուսումնասիրենք և շահուենք նրանից, այլ միայն նրա էութեան կամ ընթացքի մի մի դիպուածքից անկախ

կլինենք՝ բազմապատկելով կասլակցութիւնները։ Հէնց մեր քաղաքակրթութեան պատճառով՝ այսօր մենք աւելի սերտ կապակցութիւն ունինք բնութեան հետ, քան թէ երբ և իցէ գոլութիւն ունեցող բոլոր սերունդները։

Թէև այնպէս է թւում՝ թէ բնական և քաղաքակիրթ ազգերի համեմատութիւնն այդ երկուսի մէջ խոր անդունդ է բացանում, բայց այնուամենայնիւ մենք դրանով չենք բաւականալ, այլ ամենից առաջ կհարցնենք՝ թէ ի՞նչ դիրք ունին բռնած բնական ազգերն ամբողջ մարդկութեան մէջ։

Արդեօք կարելի է բնածին մարմնական տարբերութիւններն ի նկատի ունենալով՝ անսխալ եզրակացութիւն անել մարդկութեան ընդհանուր տարբերութիւնների տեսակի ու քանակի մասին։ Ազգագրական տեսակէտից, որ ամենապարզ կերպով ցոյց է տալիս մարդկութեան մեծ և ծանրակշիռ քաղաքակրթական տարբերութիւնները, ամենից առաջ այն ցանկութիւնն ենք յայտնում, որ ժաղաքակիրք ցեղ գաղափարը մարդկութեան նկատմամբ աւելի մանրամասն քննուի, քան թէ այդ տեղի է ունեցել մինչև այսօր։ Կարելի է նախատեսել, որ ասողներ կլինին՝ թէ քաղաքակիրթ ազգերի մարմնի կազմութեան մէջ այնպիսի յատկութիւններ կան, որոնք առաջացել են քաղաքակրթութեան շնորհիւ, ինչպէս որ միւս կողմից էլ բնական ազգերի մարմինը որոշ գծերով պարզ ցոյց է տալիս կեանքի այն եղանակի ազգեցութիւնը, որ զուրկ է այն ամենից, ինչոր մենք սովոր ենք քաղաքակրթութիւն անուանել։ Անդամազնին Գուստավ Ֆրիչը, որ բնական ազգերն ուսումնասիրել է հէնց իրենց բնութեան մէջ, ասում է. մարդկային մարմնի ներդաշնակ զարգացումը կարելի է միմիայն ժաղաքակրութեան ազդեցութեան ներքոյ։ Եւ մարդ կարդալով նրա ն'իարագրութիւնները հոթենդունների, բուշանների և նոյն իսկ կաֆրների մասին, համոզւում է, որ լաւ կազմակերպուած, արտաքուստ գեղեցիկ մարմիններ նրանցում աւելի հազուազիւտ են, քան մեզանում՝ զառամեալ կարծուած քաղաքակիրթ մարդկանց մէջ։ Նա մի տեղ պարզ արտայալում է, «որ առողջակազմ, կանոնաւոր զարգացած մար-

մին ունեցող գերմանացին, ինչ վերաբերում է թէ ձևերի յարաբերութեանը, թէ ոլժին և թէ լիութեանը, իսկապէս գերազանցում է Ա-Բանտուին պատկանող մարդու միջին կազմութեանը»։ Սակայն այս բանտուները, կարելի է աւելացնել, կաֆրների ճիւղաւորութեան, որոնց մասին է մասնաւորապէս խօսւում այդտեղ, ամենառութեղ և վայելչահասակ ազգերից մէկն է Աֆրիկայում։ Կորադոյն ժամանակներում աւելի յաճախ ենք լսել այդպիսի դատողութիւններ և այսօր այն ամերիկացի ազգագրի խօսքը, թէ «Բելվեդէրի Ապօղոնի ամենալաւ նախատիպը հնդիկն է», նոյն իսկ իբրև գեղեցիկ խօսք չի կարելի ընդունել անկասկած։ Աւելի խորը թափանցելով՝ նոյն իսկ ոսկըների կազմութեան մէջ տարբերութիւններ են դժնուել, որոնք վերադրում են մէկ տեղ քաղաքակրթութեան ազգեցութեանը, մի այլ տեղ անքաղաքակրթ կեանքի ներդործութեանը։ Վիրխովը լապլանդացիներին և բուշաններին ուղղակի ներկայացրել է իբրև ախտաբանական, այսինքն քաղցի և կարիքի շնորհիւ թշուառայած, անկեալ ցեղեր։ Սակայն ցեղերի տարբերութեան արժէքը որոշող ամենանշանաւոր փորձը, որի համար գիտութիւնը շատ փոքր և միմիայն ամբողջ աշխարհի պատմութիւնը կարող և ուժեղ է, դեռ նոր է կազմակերպում։ Ստորին կոչուած ցեղերի ներմուծումը բարձր ցեղերի քաղաքակրթշրջանի մէջ և այն շրջափակների կործանումը, որ առաջ ընդդիմագրում էին այդ ներմուծմանը, ոչ թէ միայն մարդկայնութեան մի փայլուն գործն է, այլ միաժամանակ նաև ամենախորին գիտնական նշանակութիւն ունեցող իրողութիւն։ Ամենաստորին կարծուած ցեղերի միլիոնաւոր մարդիկը, սեամորթները, առաջին անդամ կմասնակցեն ամենաբարձր քաղաքակրթութեան բոլոր առաւելութիւններին, իրաւունքներին և պարտականութիւններին։ ոչինչ չէ արգելում նրանցը գործնելու զարգացման բոլոր միջոցները։ Եթէ այսօր միայն մօտաւոր ճշտութեամբ կարողանալինք ասել, թէ մի քանի սերունդների ընթացքում ինչ կլինէր այն տասներկու միլիոն նեղըս ստրուկների վիճակը, որ Ամերիկայում վերջին քսան տարուայ միջոցին ազատուել են ստրկու-

թիւնից և որոնք աղատութեան և նորագոյն քաղաքակրթութեան արդիւնքները վայելելով հարիւր միլիոնի կհասնեն, այն ժամանակ կարելի կլինէր վոտահութեամբ վճռել՝ ցեղերի տարբերութեան մէջ եղած քաղաքակրթութեան ազդեցութեան դժուար խնդիրը։ Բայց այսպէս պէտքէ բաւականանանք ակնարկութիւններով և գուշակութիւններով։

Կարելի է այն կարծիքը յայտնել, որ վերջին տարիների ընթացքում տեղի ունեցած ցեղերի համեմատական ուսումնասիրութիւնները նուազեցնում են սովորաբար ընդունուած մարդաբանական ցեղական տարբերութեան կշիռը և յամենայն դէպս չեն նպաստում այն ըմբռնմանը, որ մարդկութեան այսպէս կոչուած ստորին ցեղերը նկատում է իրեւ կենդանուց փոխակերպուած մարդկանց խումբ։ Դրանով չենք ուզում մերժել մարդու ընդհանուր նմանութիւնը կենդանիների հետ՝ ըստ մարմնի, սակայն ժիտում ենք այն ենթադրութիւնը, թէ մարդկութեան որոշ մասերն աւելի նման են կենդանուն, քան թէ ուրիշները։ Ազդերի ուսումնասիրութեան միջոցին ամեն ցեղերի մէջ էլ հանդիպում ենք այնպիսի գծերի, որոնց կենդանական կարելի է անուանել. այլ կերպ էլ չէր կարելի սպասել։ Որովհետև մարդս իր մարմնի կազմութեան մէջ պահպանել է կապիկ որոշ նմանութիւնը, այդ պատճառով և նոյն իոկ նորագոյն համակարգող գիտնականները միայն այդ բանին կարևորութիւն տալով՝ կրկին վերադարձան Լիննէի համակարգութեանը, որ Հոմօ սեռը կապիկ հետ միատեղ Primates գասին է կարգում, առանց կշտամբուելու, թէ անտրայաբանօրէն են դատում. բաւական է միայն ի նկատի ունենալ մարդկային ընութեան հոլեկան արտայատութիւնը, որպէս զի շատ կողմերից սուր կերպով աչքի ընկնի նիւթեղէն հիմքի անասնականութիւնը։ Պեսք ամենքս դժբախտաբար այնպէս ենք ըմբռնում, որ իրեւ թէ մարդու մէջ մի գաղան է թագնուած և «անասնական» ցանկութիւն, անասնանալ և ուրիշ այսպիսի լեզուի ձևերն ապացուց են, թէ որչափ յաճախ մեր երևակայութիւնը ստիպուած է լինում այդպիսի նմանութիւններ դժուարու։ Երբ աւտրալիացի ընիկների

մի քաղցած ընտանիք անդիլ ճանկերից խլում է գէշը, ոչ ըստ բնութեան բոլոր օրէնքների վաղուց նրան էր պատկանում, և մի խռումք անյագ ու նախանձոտ շնագայլերի նման որսի վրայ ընկնելով՝ չէ դադարում լափելուց, մինչև որ նրանց չափից դուրս լցուած ստամոքսը քնելու չէ ստիպում՝ այս ապացուց է կեանքի եղանակի այնպիսի անասնացման, որ ճնշում է ամեն տեսակ հոգեկան նշոյլ։ Մեզ չէ զարմացնում նոյնպէս, որ Աֆրիկայում ճանապարհորդողները՝ փախուստ տուող շիմպանզէների կամ օրանդների հօտերի հետ են համեմատում շփոթուած բուշմաններին, որոնք ամեն օտարականի, լինի նա սպիտակամորթ թէ սևամորթ, միւնոյն է, թշնամի են համարում։ Սակայն իզուր են միշտ այս խեղճ բնական ազգերի վրայ յարձակում, որոնք բնութիւնից աւելի մեծ հակումն չունին անասնանմանութեան, քան թէ մենք։ Կան այնպիսի բարոյապէս ընկած եւրոպացիք, որոնք աւստրալիացիներից սուր են զտնւում։ Անասնանման լինելու կամ թէ լինել կարողանալու այս անհանուն ընդունակութիւնը տարաբախտաբար յատուկ է ամեն մարդու՝ ոմանց քիչ, ոմանց շատ։ Այդ զիխաւորապէս կախումն ունի քաղաքակրթութեան աստիճանին համապատասխանող այլակարպուելու ընդունակութիւնից։ Միմիայն քաղաքակրթութիւնը կարող է մի սահման գծել մեր և բնական ազգերի մէջ։ Մեծ վճռականութեամբ պէտքէ շեշտել, որ «բնական ազգեր» գաղափարն իւր մէջ չէ պարունակում ոչինչ մարդաբանական, անդամազննական ու բնախօսական, այլ միմիայն զուտ ազգագրական, բաղաբակրական գաղափար է։ Բնական ազգերը քաղաքակրթութեամբ խեղճ ազգեր են։ Ամեն ցեղի պատկանող և ամեն բնական յատկութեանց տէր ազգերը կարող են կամ դեռ հասած չլինել քաղաքակրթութեան կամ թէ քաղաքակրթութեամբ յետադիմած լինել։ Հնագոյն գերմանացիներն ու գալլերը հռովմէական քաղաքակրթութեան դիմացը Համեմատաբար ոչ պակաս խեղճ էին քաղաքակրթութեամբ, քան թէ մեր դէմ կանդնած կաֆըները և ովկիանացիք։ շատերը, որոնք այսօր ռուսաց քաղաքակրթ ազգին են պատկանում, Պետրոս Մեծի ժամանակ զուտ բնական ազգեր էին։

Իսկապէս մարդկութեան երկու խմբերի քաղաքակրթութեան տարբերութեան անզունդը, թէ ըստ լայնութեան և թէ ըստ խորութեան, կատարելապէս անկախ է նրանց ձիրքերի տարբերութեան մեծութիւնից: Պէտքէ ի նկատի ունենալ, որ մի ազգի քաղաքակրթութեան սեպհականութեան բարձր աստիճանի վըրայ ներդործում են մեծ քանակութեամբ պատահական դիպուածներ, ուստի պէտքէ զգուշանանք դրանցով իսկոյն և իթ հետեանքներ եզրակացնել՝ այդ ազգի հոգեկան և մարմնական կազմութեան մասին: Բարձր ձիրքերի տէր ազգերը կարող են քաղաքակրթութեամբ խեղճ լինել և այդպիսով մարդկութեան մէջ առհասարակ ստորին դիրք ունեցողների տպաւորութիւնն անել: Զինացիներն ու մոնղոլները միւնոյն ցեղին են պատկանում, բայց որպիսի տարբերութիւն կայ դրանց քաղաքակրթութեանց մէջ: Այդ տարբերութիւնն աւելի աչքի կրնկնի, եթէ մոնղոլների տեղ վերցնենք բարբարոս ցեղերից մէկն ու մէկը, որոնք Զինաստանի սահմանի նահանգներում կղղինժրի նյան են երկում՝ աւելի բարձր քաղաքակրթութեան տէր մարդկալին ծովի մէջ: Բատ նորագոյն հետազօտութիւնների այնպէս է թւում, որ ախնօներից, հիւսիսային ջապոնական կղղինժրի սկզբնական բնակիչներից, շատերն աւելի մօտ են կովկասեան, քան մոնղոլեան ցեղին: Բայց այնուամենայնիւնը բնական ազգ են, մինչեւ անգամ մոնղոլ-մալայեան ջապոնացիների կարծիքով: Ցեղը քաղաքակրթութեան սեպհականութեան հետ ինքն ըստ ինքեան ոչինչ կապ չունի: Թէև իմարութիւն կլինէր ժխտել, որ մեր օրերում ամենաբարձր քաղաքակրթութիւնն այսպէս կոչուած կովկասեան կամ սպիտակ ցեղի յատկանիշն է, բայց միւս կողմից նոյնպէս նշանաւոր իրողութիւն է, որ հաղար տարիւերից ի վեր քաղաքակրթութեան ամեն շարժումների ընթացքում՝ իշխող է հանդիսանում մարդկանց այն ձգտումը, որով նրանք կամենում են բոլոր ցեղերին իրենց նեղութիւններին ու պարտականութիւններին մասնակից անել և այդպիսով ծանրակշիռ կարևորութիւն են տալիս «մարդկութիւն» մեծ գաղափարին: Այդ գաղափարը թէև ժամանակակից աշխարհի

Հրաշալի յատկութիւնն է համարւում, բայց դրա իրականացալուն շատերը դեռ հաւատ չեն ընծայում։ Բայց եթէ դուքս նայենք պատահարների այն նեղ շրջանակից, որին յանդգնութեամբ ամբողջ աշխարհի պատմութիւն են անուանում, կտեսնենք, որ սկզբնական և նախապատմական ժամանակների ներկայացուցիչներն ամեն ցեղերից էլ եղել են։

## III

Քաղաքակրութեան էութիւնը, ծագումը եւ տարածուիլը

Սակայն ո՞րն է բնական և քաղաքակրուած ազգերի տարբերութեան էութիւնը։ Աստիճանաբար զարգացման տեսառութիւնը պաշտպանողներն այս խնդրում համարձակ առաջ են գալիս և այդ հարցը վաղուց որոշուած համարում, որովհետև ով կարող է կասկածել, որ բնական ազգերը «մարդկութեան ամենահին և դեռ ևս գոյութիւն ունեցող խաւերն» են։ Նրանք մնացորդներն են այն անքաղաքակիրթ ժամանակաշրջանների, որոնց վրայից վաղուց արդէն անցել են մարդկութեան ուրիշ մասերը, որոնք գոյութեան կռուի մէջ բարձրագոյն ձիրքերի են հասել և քաղաքակրթութեան հարուստ սեպհականութիւն ձեռք բերել։ Այս տեսութեան դէմ մենք բարձրացնում ենք այն հարցը. թէ ինչից է քաղաքականութիւնը։ Խոհականութիւնը, որ ամեն բանի հիմքն ու աղբիւրն է, ամբողջ մարդկութեան ընդհանուր բարիքը չէ միթէ։ Լեզուն եւ կրօնը պէտք է առաջին տեղը բռնեն իբրև աւելի, այսպէս ասած, ազնիւ արտայալտութիւններ և աւելի սերտ կապակցուին խոհականութեան հետ՝ ըստ չամաննի այն սիրուն խօսքերի թէ. «առանց լեզուի խոհականութիւն չէինք ունենայ, առանց խոհականութեան կրօն և առանց մեր բնութեան այս երեք էական բաղկացուցիչ մասերի՝ ոչ ընկերական կապ կունենալինք և ոչ ոգի»։ Ճշմարիտ է, որ լեզուն մի անսահման զօրեղ աղղեցութիւն է ունեցել մարդկային ոգու զարգացման վրայ. քաղաքակրթութեամբ խեղճ ազգերի կրօնը լեզուից ոչ պակաս հաւաստի կերպով պարունակում է իւր մէջ այն բոլոր սաղմերը, որ յե-

տոյ, ապագայում, պէտք է կազմեն քաղաքակրթուած ազգերի հոգևոր կեանքի հրաշալի և ծաղկալից անտառը։ Կրօնը միւնոյն ժամանակ արուեստ և գիտութիւն, աստուածաբանութիւն և փիլիսոփայութիւն է, այնպէս որ այս աշխարհի աղքատիկ կեանքում չկայ ոչ մի իդէալական ձգտումն, որ չգրտնուէր նրա սահմանների մէջ։ Այդ ազգերի քահանաների համար կարելի է ասել, բառի բուն նշանակութեամբ, որ նրանք աստուածային դաղտնիքների պահպանողներն են։ Այս դաղտնիքների յետադայում տարածուիլը ժողովրդի մէջ, բառի իսկական մտքով ժողովրդա'լանացնելը, քաղաքակրթութեան առաջադիմութեան ամենապարզ և ամենալաւ նշանն է։

Ինչ վերաբերում է բաղաբական և ՏԵՍԵՍԱԿԱՆ կաղմակերպութեանը, ընական ազգերի մէջ նկատում ենք քաղաքակրթութեան սեպհականութեան շատ մեծ տարբերութիւններ։ Նրանցից շատերը բաւականին յառաջադիմել են քաղաքակրթութեան գործում։ Ստորև է նմանապէս, որ այդ տարբերութիւններն առաջանում են ոչ այնքան նրանց ընդունակութեանց զանազանութիւնից, որքան զարգացման պայմանների խիստ տարբեր լինելուց։ Զարգացման ընթացքում դեր է խաղացել փոխանակութիւնը և անաչառ դիտողը շատ անգամ աւելի իրերի համաձայնութիւն է նկատել, քան տարբերութիւն։ «Զարմանալի է», բացադանչում է Խապմանը՝ Պամարա ցեղի սովորութեանց մասին խօսելիս, «թէ որպիսի նմանութիւն է տիրում աշխարհիս երեսին եղած մարդկային ընտանիքների սովորութիւնների ու գործողութիւնների մէջ։ Նոյն խկ դամարացիներն այնպիսի սովորութիւններ ունին, որոնք բոլորովին միւնոյնն են, ինչ որ նոր-զէէլանդացիներինը, ինչպէս օրինակ առաջնատամների հանելը և ճկոյթի կտրելը։ Եւ որովհետեւ քաղաքակրթութեան էութիւնը կայանում է փորձառութեան դէպքերի հաւաքման, հաւաքածի պահպանման, տևականութեան և վերջապէս նրանց զարգացումը շարունակելու կամ բազմապատկելու ընդունակութեան մէջ, այդ պատճառով խնդիր է՝ թէ ի՞նչպէս կարելի է, որ իրականանալ քաղաքակրթութեան առաջին հիմնական պայմանը,

այսին քն քաղաքակրթութեան սեպհականութեան ժողովելը՝ հմտութեանց, գիտութեանց, ոլժի դրամագլխի ձեռվ։ Վաղուց արդէն համաձայնութեամբ որոշուած է, որ դրան հասնելու առաջին քայլը պէտքէ լինի բնութեան ազատակամ շնորհածից կախումն ունենալուց կատարելապէս դադարել և ոկտել գիտակցօրէն արդիւնաւորել մարդկանց համար ամենակարևոր պտուղները՝ սեպհական աշխատանքի միջոցով։ Նա մանաւանդ երկրագործութեամբ և անասնապահութեամբ։ Այդ փոփոխութիւնը միանգամից ասպարեզ է բաց անում քաղաքակրթութեան ամենահեռաւոր կարելիութիւնների համար, բայց միւնոյն ժամանակ պէտքէ նկատել, որ առաջին քայլից մինչև այսօր միայն հասած բարձրութիւնը՝ շատ հեռու է։

Մարդուս, նոյնպէս և ամբողջ ազգերի, ոգին ցոյց է տալիս բաւականին մեծ զանազանութիւն՝ ինչպէս տարբեր ձիրքերի, նոյնպէս և այն տարբեր ազգեցութիւնների շնորհիւ, որ արտաքին հանգամանքները ներգործում են նրա վրայ։ Գլխաւորապէս տատանւում է ներքին կապակցութեան աստիճանը և դրա հետ միասին ոգեկան սեպհականութեան հաստատուն լինելը կամ տեղականութիւնը։ Այդ սեպհականութեան կապակցուած չլինելը և միմեանցից անջատուիլը հաստատապէս բնորոշում է նոյնպէս քաղաքակրթութեան ստորին աստիճանները, ինչպէս որ նրա կապակցութիւնը, անբաժանելի լինելը և աճման զօրութիւնը՝ բնորոշում են բարձրադոյն աստիճանները։ Քաղաքակրթութեան ստորին աստիճանների վրայ այնքան քիչ տեղ է բռնում աւանդութիւնը, որ այդ աստիճանների վրայ դժնուող ազգերը ոչ կարողանում են իրենց նախկին վիճակի մասին գիտակցել, ոչ էլ զօրացնել ու բազմապատկել իրենց ոգեկան սեպհականութիւնն առանձին հանճարեղ մարդկանց հնարագիտութեամբ կամ դրսից եկող դըրդումների ընդունելով ու խնամելով։ Եթէ ամեն բան խաբէական չէ, հէնց այդ բանումն է ազգերի խորին տարբերութեան հիմքը։ Ըստ երևոյթին այդ հարցը շօշափում են, երբ միմեանց հակաղը ում են պատմական և ոչ պատմական ազգերը։ Մի-

թէ պատմական գործերը կորած են պատմութեան համար միայն այն պատճառով, որ պատմազրութեան մէջ չեն լիշտում։ Պատմութեան էութիւնը կայանում է նոյն իսկ պատահածի և ոչ թէ պատահածը լիշտու և պահպանելու մէջ։ Աւելի լաւ կլինի, եթէ այս տարբերութիւնը վերագրենք ազգայնութեան անհատականութեան և յօրինուածութեան հակառակութեանը, որովհետև ներքին կապակցութիւնն այն ամենախորին տարբերութիւնն է ցոյց տալիս, որ գոյութիւն ունի պատմական գործունէութեան, ուրեմն և գլխաւորապէս մարդուս ողեկան շրջանում։ Մարդկութեան ինչպէս ընկերական և պետական, այնպէս և ողեկան պատմութիւնն ոչ այլ ինչ է, եթէ ոչ յառաջադիմութիւն պառակտուած գործելուց՝ դէպի միաբան՝ գործելը։ Առաջին տեղը բռնում է արտաքին բնութիւնը, որով դաստիարակւում է մարդկային ոգին, ձգտելով նրա հետ մի այնպիսի յարաբերութեան մէջ մտնել, որի վերջնական նպատակը բնութեան կարդաւորեալ հողեկան պատկերի շէնքն է՝ այսինքն արուեստի, բանաստեղծութեան և գիտութեան ստեղծագործութիւնը։ Տարբեր ցեղերին պատկանող բնական ազգերը՝ անգամազնական — մարդաբանական մտքով՝ ազգերի խմբակցութիւններ չեն կազմում։ Եւ որովհետև նրանք մ սրդկութեան ամենավսեմ բարիքներին — լեզուին և կրօնին — մասնակից են, ուստի և նրանց տեղը չըպէտք է մարդկութեան տոհմացոյց ծառի վերջին աստիճանի վրայ դնել, կամ թէ նրանց զրութիւնն իբրև ամենասկզբնական և մանկական դրութիւն ըմբռնել։ Տարբերութիւն կալ մանկան արագ հասունացող տհասութեան և որոշ նկատմամբ կանգ առած և անշարժ չափահասի չնչին հասունութեան մէջ։ Բը նական ազգերը մօտ են այս վերջին տեսակին և առաջինից հեռու։ Դրանցը մինք անուանում ենք քաղաքակիրթութեամբ խեղճ ազգեր, որովհետև ներքին և արտաքին հանգամանքներն արգելք են եղել նրանցը՝ այնպիսի յարատև զարդացումն ձեռք բերել քաղաքակիրթութեան շրջանում, ինչպիսին են քաղաքակիրթ ազգերի յատկանիշները և կրթութեան յառաջադիմութեան գրաւականները։ Բայց և այնպէս մենք չենք վստահանալ անքաղաքակիրթ անուանել նրանցը, որովհետև

քաղաքակրթութեան բարձր աստիճաններին հասնելու սկզբնական միջոցները — լեզուն, կրօնը, կրակը, զէնքն ու գործիքները — ամենքըն էլ ունին և հէնց այդ և դրանց նման ուրիշ միջոցներ ունենալը — օրինակի համար լիշենք միայն ընտանի կենդանիներն ու մշակուող բոյսերը — վիալում է այն բազմաթիւ և բազմատեսակ շօշափումների մասին, որ տեղի են ունենում խոկական քաղաքակրթ ազգերի հետ:

Թէ ինչու նրանք չեն օդուում այդ պարդեներից՝ պատճառները բազմազան են: Առաջին պատճառներից մէկն է համարւում նրանց նուազ հոգեկան ընդունակութիւնը: Այս բացատրութիւնը թէև յարմար է, բայց առ սակաւն անարդարացի է: Այժմ զոյտութիւն ունեցող ընական ազգերի մէջ յամենայն զէպս ընդունակութեանց մեծ տարբերութիւն կալ: Բայց կարելի է ընդունել, որ քաղաքակրթութեան զարգացման ընթացքում նոյն խոր շատ քիչ բանով աւելի բարձր ընդունակութեանց տէր ազգերն աւելի և աւելի են տիրացել քաղաքակրթութեան միջոցներին և իրենց յառաջադիմութեանն ապահովութիւն և հաստատութիւն սեպհականել, այն ինչ աւելի նուազ ընդունակութեանց տէր ազգերը յետ են մնացել: Սակայն արտաքին հանդամանքները, ինչ վերաբերում է նրանց արգելող կամ նսլաստող ազդեցութեանը, աւելի պարզ կարելի է ճանաչել ու գնահատել. ուստի և առաջ այդ հանդամանքների լիշելն աւելի իրաւացի և տրամաբանական է: Մենք ըմբռնում ենք՝ թէ ինչու ընական ազգերի բնակավայրերը գտնւում են դլխաւորապէս մարդաբնակ երկրի ծալրագոյն եզրներում, ցուրտ և տաք աշխարհներում, հեռաւոր կղզիների վրայ, կըղզիացած սարերում և անապատներում: Մենք հասկանում ենք նրանց յետամնացութիւնն երկրի այն մասերում, որոնք երկրագործութեան և անասնապահութեան զարգացման համար քիչ յարմարութիւններ ունեն, ինչպէս Աւստրալիան, Հիւսիսային բեւռային աշխարհները և Ամերիկայի հիւսիսային և հարաւային ծալրագոյն մասերը: Անկատար զարգացման հասած օժանդակ աղբիւրների անվատահելիութիւնն իրեւ մի ծանր շղթայի կախուած է նրանց ոտքից և սահմանափակում է նրանց շար-

**Ժողութիւնները** մի նեղ տարածութեան մէջ: Դրանից է առաջանում նրանց չնչին թիւը և դրանից էլ հետեւում է նրանց հոգեկան և մարմնական վաստակի չնչին ամբողջական գումարը, հանճարեղ մարդկանց հազուազիւտ լինելը, այնպէս և բացակայութիւնը այն փրկարար ճնշողութեան, որ գործ է դնում շրջապատող բազմութիւնը անհատների շրջահայեցութեան վրայ և ներգործող է հանդիսանում հառարակութեան դասակարգերի և փրկարար աշխատանքի բաժանման նըպաստման գործում: Օժանդակիչ միջոցների այդ անվստահելիութիւնից մասամբ հետեւում է նաև բնական ազգերի չնչին տեսականութիւնը: Թափառական հովուական կեանքը մի ընդհանուր յատկութիւն է դրանց համար և դիւրացնում է դրանց անհաստատ քաղաքական ու տնտեսական կազմակերպութեանց անկարելիութիւնը, նոյն իսկ եթէ փութաջան երկրագործութիւնը կապում է դրանցը հողակոշտի հետ: Այսպիսով յաճախ, չնայելով ճոխապէս մասնատրուած և լաւ խնամուած քաղաքակրթութեան միջոցներին, առաջանում է մի բաժան բաժան, ուժասպառ և անպտուղ կեանք: Առանց ներքին կառակցութեան՝ այս կեանքն ապահով աճումն չի կարող ունենալ. այս այն կեանքը չէ, որի մէջ առաջացան քաղաքակրթութեան առաջին սաղմերը և որ մենք պատմական շրջանի սկզբում հիանալի կերպով աճած ենք տեսնում: Այս կեանքը լի է աւելի քաղաքակրթութեան բեկորներով և քաղաքակրթական այնպիսի շրջանների, աղօտ լիշողութիւններով, որոնք մասամբ պատմական շրջանի սկզբից շատ առաջ եղած պէտքէ լինեն: Ի վերջու, եթէ կարճ ամփոփենք՝ թէ ինչպէս ենք ըմբռնում բնական ազգերի դիրքը՝ համեմատութեամբ այն ազգերի, որոնց պատկանում ենք և մենք, կասենք. ըստ քաղաքակրթութեան՝ այդ ազգերը մեզնից ստորև գտնուող խաւ են, այն ինչ ըստ բնական կազմութեան և ընդունակութեան՝ մասամբ, որչափ որ այդ կարելի է նշմարել, հաւասար են մեզ և մասամբ էլ մեղնից շատ հեռու չեն: Աակայն այդ խաւ այնպէս չպէտքէ հասկանալ, որ իբրև թէ մեզնից անմիջապէս ստորև գտնուող զարգացման աստիճանի վրայ է, որի վը-

բայով մենք ինքներս պիտի անցնէինք, այլ այնպէս, որ այդ խաւը հաւաքւում և կազմւում է ինչպէս կանգ առած, նոյն սլէս և մի կողմը նետուած և յետամնաց տարրերից։ Ուրեմն բնական ազգերը դրական յատկութեան մի զօրեղ սաղմն են պարունակում իրենց մէջ։ Դրանումն է կայանում նրանցն ուսումնասիրելու արժէքն ու առաւելութիւնը։ Այն բացասական ըմբռնումը, որ միայն այն է տեսնում, ինչ որ նրանք չունին, համեմատելով մեզ հետ՝ մի անշրջահայեաց անգնահատութիւն է։

Քաղաքակրթութիւն բառով սովորաբար արտայալտում ենք մի որու ժամանակի բոլոր հոգեկան ստացուածքի գումարը։ Եթէ խօսում ենք քաղաքակրթութեան աստիճանների, կամ բարձրը և ստորին քաղաքակրթութեան ու կիսաքաղաքակրթութեան մասին և քաղաքակրթ ու բնական աղգերը հակադրում ենք միմեանց՝ մեր ընդունած որոշ չափը վերցնում ենք քաղաքակրթութեան այն բարձր աստիճաններից, որին մենք ինքներս ենք հասել, որովհեսուե միայն մեր քաղաքակրթութիւնն ենք մենք քաղաքակրթութիւն անուանում։ Այսպիս ամեն ազգ ունի հոգեսոր ձիրքեր և իւր կեանքում հոգեկան կարողութիւններ է զարգացնում։ Ամեն մէկը զիտութեան և կարողութեան մի որոշ գումարը իւրն է անուանում, որ և ներկայացնում է իբրև իւր քաղաքակրթութիւնը։ Սյս «Հոգեկան ստացուածքների գումարների» զանազանութիւնը գտնւում է ոչ թէ միայն դրանց մեծութեան, այլ և աճման զօրութեան մէջ։ Քաղաքակրթուած ազգը երեսում է մեզ իբրև մի զօրեղ ծառ, որ դարաւոր աճմամբ ուժեղ և յարատե կիրպով բարձրացել է քաղաքակրթութեամբ խեղճ ազգերի ստորութեան և անցողականութեան վրայից։ Կան բոլոր, որ ամեն տարի ոչնչանում են. կան և ուրիշ բոլոր, որոնք հասարակ խոտից դառնում են պնդակազմ ծառեր։ Զանազանութիւնն ամեն մի տարուայ աճման արգասիքի պահպանութեան, հաւաքման և միացման մէջն է։ Այդպէս էլ բնական ազգերի նոյն իսկ անցողական աճումը, որ կոչուել է նոյնպէս ազգերի մացառներ, առաջ կը բերէր մի յարատե բան, ամեն մի նոր սերունդ աւելի վեր կը-

բարձրացնէր և առաջուց ձեռք բերած արդասիքից կտար նրան աւելի հաստատուն յենակէտ՝ եթէ նրա մէջ պահպանման և միացման ձգտումը ազդեցիկ լինէր։ Սուկայն այդ չկայ. և այդ պատճառով այն բոլոր բարձրանալու որոշած բոյսերը գետնի երեսին են մնում և թշուառ կերպով ոչնչանում՝ կռուելով օդի և լոյսի համար, որ նրանք վերեւում լիութեամբ կարող էին վայելել։ Քաղաքակրթութիւնը շատ մարդկալին սերունդների արդասիքն է։

Ինչպէս տարածական, այնպէս և ժամանակի սահմանափակման—որ առանձնացնում է թէ խրճիթները, դիւղերը, ազդերը և թէ միմեանց հետեւող սերունդները—մէջ է կայանում քաղաքակրթութեան ժխտումը. դրա հակառակ՝ միմեանց հետ ապրողների միաբանութեան եւ միմեունց հետեւուների կապակցութեան մէջ է զննում նրանց զարգացման կարելիութիւնը։ Միմեանց հետ ապրողների միաբանութեամբ ապահովում է քաղաքակրթութեան պահպանումը, իսկ սերունդների կապակցութեամբ՝ ծաւալուիլը։ Քաղաքակրթութեան զարգացումը զանձ ժողովել է։ Գանձերն ինքն ըստ ինքեան են աճում, երբ պահպանող ոլժեր են հսկում դրանց վրայ։ Մարդկային ստեղծագործութեան և գործունէութեան ամեն ասպարեզներում խրաքանչլոր բարձր զարգացման հիմքը միութիւնն է։ Միմիայն միաբան գործունէութեամբ, փոխադարձ օդնութեամբ, լինի այդ թէ ժամանակակիցների մէջ և թէ սերնդէսերունդ, յաջողուել է բարձրանալ քաղաքակրթութեան այն աստիճանը, որի վրայ որ այժմ կանդնած են մարդկութեան ամենազարգացած անդամները։ Այս միութեան եղանակից և ծաւալումից է կախուած այդ աճումը։ Այդ բանին աւելի նըսպասուել են ժամանակակից ազդերի անհատական մրցութեանն ոլժ տուող մեծ համայնքներն ու պետութիւնները, քան թէ տոհմերի բազմաթիւ փոքրիկ ու համազօր միութիւնները։

Բարձրագոյն քաղաքակրթութեան զարգացման էական նշանը մենք համարում ենք յառաջադիմութեան ձգտողների ըստ կարելոյն ներքին կապակցութիւնը՝ թէ միմեանց և թէ նախկին սերունդների հետ և դրանից առաջացած արդիւնքի

և վաստակի ամենամեծ գումարը։ Ծայրակեղութիւնների մէջ են զտնւում այն բոլոր միջին աստիճանները, որ մենք ամփոփում ենք կիսաքաղաքակրութիւն բառի մէջ։ Մի քանի խօսք էլ այս անուան մասին։ Մինչդեռ բարձրագոյն քաղաքակրթութեան մէջ տեսնում ենք թէ սլահպանող և թէ առաջ մղող։ և զարդացնող ոլժերի եռանդուն զործագրութիւնը, կիսաքաղաքակրթութեան մէջ առաջիններն խոկապէս մեծ զործունէ-ութեան են հրաւիրւում, այն ինչ վերջինները յետ են մնում և այդպիսով կիսաքաղաքակրթութեան խոնարհագոյն աստիճանը որոշում։ Կիսաքաղաքակրթութեան միակողմանիութիւններն ու անկատարելութիւնները վերաբերում են ոգեկան յառաջաղիմութեանը, մինչդեռ Տնտեսական զարդացումն աւելի շուտ է հաստատում։ Երկու հարիւր տարուց առաջ, երբ Եւրոպան և Հիւսիսային Ամերիկան շողիով, երկաթով և ելէքտրականութեամբ դեռ ևս իրենց հոկայական թռիչքները չեն արել, Զինաստանն ու ֆալոնիան եւրոպացի ճանապարհորդներին սաստիկ զարմացնում էին իրենց երկրագործութեան, արհեստների և վաճառականութեան արդասիքներով և նոյն խոկիրենց այսօր խորին անկման հասած ջրանցքներով և ճանապարհներով։ Սակայն եւրոպացինները և եւրոպացինների սերունդ ազգերն Ամերիկայում և Աստրալիայում վերջին երկու հարիւր տարուայ ընթացքում ոչ թէ միայն հասան այդ թռիչքի ետևից, այլև վաղուց արդէն նրանից առաջ են դնացել։ Այս-տեղից կարելի է որոշել թէ ինչումն է կայանուս չինական քաղաքակրթութեան և առ հասարակ ամեն կիսաքաղաքակրթութեան առեղծուածը։ Ի՞նչն էր արդեօք պատճառը, որ արեմուտքը արևելքին զերազանցեց, եթէ ոչ՝ ազատ ոգեկան ստեղծաղործութեան հաճուքը։ Վոլտէրն իրաւացի կերպով նկատում է, որ ընութիւնը չինացիններին տուել է բոլոր զործինները՝ զտնելու այն ամենը, ինչ որ օդտակար է իրենց, բայց դրանից աւելի ոչինչ։ Ինչ վերաբերում է օդտակարին, զործնական կեանքի արուեստներին՝ նրանք մեծ արդիւնք են ցոյց տուել, մինչդեռ երեսլութների պատճառների և կապակցութիւնների մասին նոյն խոկմի գիտնական հայեացք, մի տեսութիւն անզամ չեն տուել մեզ։

Երդիօք այս թերութիւնն առաջացել է նրանց ընդունակութեանց վերաբերեալ մի պակասութիւնից, թէ նրանց ընկերավարական և քաղաքական կազմակերպութեան անշարժութիւնից, որ պաշտպանում է միջակը և ճնշում հանճարեղը: Բայց որովհետեւ այդ թերութիւնը մնում է նրանց կազմակերպութեան ամեն տեսակ փոփոխութիւնների միջոցին, պէտքէ ընդունենք, որ առաջանում է ընդունակութեան պակասութիւնից: Միմիայն դրանով կարելի է բացատրել նաև նրանց ընկերական կարգերի անշարժութիւնը: Վճռական պատասխանը հարկաւ միայն ապագան կարող է տալ, որովհետեւ դեռ պէտք է տեսնել՝ թէ ինչ յառաջադիմութիւն ցոյց կտան այդ ազգերըն այն քաղաքակրթութեան ճանապարհի վրայ, որ այնպիսի մեծ եռանդով ցոյց են տալիս դրանցը Եւրոպան և Հիւսիսային Ամերիկան: Բայց որ դրանք այդ ճանապարհով կամենում են կամ թէ պէտք է գնան, վաղուց արդէն անկասկած է: Այս խնդիրն անկարելի է վճռել, եթէ քաղաքակրթութեան արողջութեան տեսակէտն ընդունենք, որ Զինաստանի, Զապօնիայի և այլն անկատարելութիւնները համարում է իբրև նըշան դրանց կեանքի ընդհանուր ստորին աստիճանի և յաճախ միւնոյն ժամանակ՝ իբրև ապացոյց դէպի լաւը փոխուելու փորձելի լիակատար անյաջողութեան: Եթէ նրանք նոյն իսկ միայն կիսաքաղաքակրթութեան ընդունակ լինէին, յառաջադիմութեան կարեքը Եւրոպայից և Հիւսիսային Ամերիկայից գորեղ գործոններ առաջ կրերէլ, որոնք հետզհետէ կկերպարանափոխէին ժողովրդի զանգուածը: Այժմեան քաղաքակրթալգերից շատերին այսպիսի գործողութեան եղանակն է բարձր դիրքի հասցըել: Յիշենք միայն ուսւներին, ունդաբացիներին և այն հանգամանքը, որ միլիօնաւոր դերմանացիների և այլ գաղթականների շնորհիւ այդ կիսամոնղոլները բազմատեսակ յաջողութիւններ են ունեցել եւրոպացիների մէջ:

Ամեն մի աստիճանի և ազգի քաղաքակրթութեան ստացուածքի զումարը բաղկացած է նիւթական եւ ոգեկան կարաղութիւնից: Ելդ երկուսը միմեանցից զանազանելը մեծ կարեւորութիւն ունի, որովհետեւ դրանք շատ տարբեր նշանակու-

թիւն ունին ամբողջ քաղաքակրթութեան ներքին արժէքի և զլխաւորապէս դրա զարգացման ընդունակութեան համար։ Այդ երկուսը միևնույն միջոցներով, միևնույն դիւրութեամբ և միաժամանակ չեն ձեռք բերւում։ Ողեկան քաղաքակրթութեան ստացուածքի հիմքը նիւթական քաղաքակրթութիւնն է, Մարմնական կարիքներին բաւականութիւն տալուց յետով, ոգեկան ստեղծագործութիւնները շռայլութիւն են երեւում։ Այդ պատճառով և քաղաքակրթութեան ծագման վերաբերեալ ամեն մի հարց կարելի է վերլուծել հետևեալ հարցման. ի՞նչն է նրապաստում քաղաքակրթութեան նիւթական հիմքերի զարգացմանը։ Այստեղ զլխաւորապէս պէտքէ շեշտել, որ թէև այդ զարգացման ճանապարհը բնութեան միջոցների դործադրութիւնն է մարդու նպատակների համար, բայց և այնպէս մեծագոյն գնահատութեան արժանի է՝ ոչ թէ բնութեան նիւթերի հարստութիւնը, այլ ոյժերի կամ աւելի լաւ ասենք, ոյժերի գրդըռումը։ Բնութեան այն ձիրքերը մարդու համար ամենից մեծ արժէք ունին, որոնց շնորհիւ կբացուին նրա ներքին ոյժերի աղբիւրները յարատեն գործունեութեան համար։

Ինքն ըստինքեան հասկանալի է, որ ամենից քիչ կարող է անել այդ բնութեան այն հարստութիւնը կամ այն, այսպէս կոչուած, բարիքը, որ ազատում է նրան այնպիսի որոշ աշխատանքից, որ ուրիշ հանդամանքներում կարեւոր կլինէր, ինչպէս օրինակ ջերմութիւնը արեւադաշտին երկըրներում դիւրացնում է խրճիթ շինելը և զգեստներ հագնելը, քան թէ բարեխառն գոտիներում։ Եթէ համեմատենք այն, ինչ որ կարող է տալ բնութիւնը՝ մարդկալին ոգուն յատուկ կարելիութիւնների հետ, կտեսնենք, որ տարբերութիւնը խիստ մեծ և առաւելապէս հետևեալն է. բնութեան ձիրքերը տեսակով և քանակութեամբ յարատեն անվորուխ են, սակայն ամենակարևորների արգասիքը տարեց-տարի տատանւում և անհաշիւ է։ Դրանք կապակցուած են որոշ արտաքին հանդամանքների հետ, որոշ գոտիներում՝ կախումն ունին որոշ բարձրութիւններից և հողի որոշ տեսակներից։ Դրանց վերաբերմամբ մարդկալին ոյժը հէնց սկզբից սահմանափակ շրջա-

նի մէջ է դրուած. զա կարող է ընդարձակել նրա ոգու և կամքի ոյժի զարգացումը, բայց ոչ երբէք՝ բեկանել։ Դրա հակառակ՝ մարդուս ոյժերը ամբողջովին միմիայն իրեն են պատկանում. նա ոչ թէ միայն կարող է զործադրել դըքանցը, այլև բազմապատկել և զօրեղացնել՝ առանց մի որևէ սահմանափակման։ Ոչինչ այնպէս համոզեցուցիչ կերպով չէ ցոյց տալիս մեզ բնութեան շահագործման կախումն ունենալը մարդկալին կամքից, ինչպէս երկրի ամեն իրողմերում, ամեն կլիմաներում, բարձրութեան ամեն տեսակ աստիճանների վրայ բնակուող բնական ազգերի միանման դըրութիւնը։

Պատահմամբ չէ, որ կուլտուր (քաղաքակրթութիւն) խօսքը հասկացւում է նաև Երկրագործութեան մտքով։ Այդտեղ է դրա ստուգաբանական արմատը և այն բանի հիմքը, ինչ որ մենք հասկանում ենք կուլտուր բառի ընդարձակ մըտքով։ Գետնի մէջ ոյժերի մի ամբողջ զումար թափելն ամենալաւ և շատ բան խոստացող սկիզբն է, որով անկախութիւն ենք ստանում բնութիւնից և որով նա իւր նպատակին է հասնում հոգու շնորհիւ։ Զարգացման շղթայի օղակներն այստեղ ամենից հեշտութեամբ են միանում, որովհետեւ տարեց - տարի կրկնուող աշխատանքով՝ միևնույն գետնի վրայ կենդրոնանում է ստեղծագործութիւնը և հաստատում աւանդութիւնը. և այդպիսով այդտեղ առաջ են գալիս քաղաքակրթութեան հիմնական պայմանները։

Քաղաքակրթութեան զարգացման համար անկասկած ամենամեծ նշանակութիւն ունին բնութեան պայմանները, որոնք թույլ են տալիս երկրի պտղաւէտութեան և նրա վրայ գործ դրուած աշխատանքի հարստութեան հաւաքելը։ Բայց այնուամենայնիւ չի կարելի ընդունել, ինչպէս ասում է նաև Բուկլէն, թէ պատմութեան մէջ ոչ մի օրինակ չկայ, որ մի երկիր իւր սեպհական ջանքերով քաղաքակրթուած լինի, եթէ վերուիշեալ պայմաններից մէկն առանձին յաջող հանդամանքների մէջ չկայ։ Մարդուս առաջին գոյութեան համար անկասկած ամենից նպաստաւոր էին տաք, խոնաւ և պտուղնե-

քով առատ երկիրները և սկզբնական մարդուն ամենից դիւրութեամբ կարելի է երեակայի իրեւ արեաղարձավին երկրի բնակիչ։ Սակայն միւս կողմից՝ եթէ քաղաքակրթութիւն ասելով պէտքէ հասկանանք միայն մարդուս ոլժերի զարգացումը բնութեան շնորհիւ, ապա ուրեմն այդ կարող էր տեղի ունենալ միմիայն որևէ է ճնշողութեան ներքոյ, որ մարդուն անյաջող հանդամանքների մէջ դնելով՝ պէտքէ ստիպէր նրան իրեն համար աւելի հոգալ, քան թէ արեաղարձի փափուկ որորանում։ Բարեխառն երկիրները մենք միենոյն կարեորութեամբ ընդունում ենք իրեւ քաղաքակրթութեան որորան, ինչպէս որ արեաղարձային երկիրները՝ իրեւ մարդուս որորան։ Մէքսիկայի և Պերուի բարձրաւանդակութեանց վրայ աւելի քիչ պտղաւէտ երկիրներ կան, քան թէ դրանց շրջապատող դաշտավայրերում, բայց այնուամենայնիւ Ամերիկայի ամենաբարձր զարգացումն այդ երկու բարձրաւանդակների վրայ ենք գտնում։ Նոյն իսկ այսօր դրանք իրենց բարձր քաղաքակրթութեամբ անապատների պէս ամայի և անբերրի են երեւում։ Համեմատելով այն արտաքոյ կարգի փարթամ և հրաշալի բընութիւն ունեցող դաշտերի և դարատափերի հետ, որոնք շատ տիղերում միայն մի օրուայ ճանապարհ հեռու են այդ բարձրաւանդակներից։ Արեաղարձային երկրներում հողի պտղաւէտութիւնն առ հասարակ խիստ նկատելի կերպով նուազում է, իսկ բարձրաւանդակներն ամեն տեսակ կլիմայական պայմանների մէջ, երբէք այնքան սլտղաւէտ չեն լինում, որքան դաշտավայրերը, բլրաշատ երկիրները և սարերի դոշերը։ Եւ ամերիկական քաղաքակրթութեան կենդրոնավայրերն այդ երկու բարձրաւանդակների վրայ էին. Մէքսիկայի քաղաքակրթութեան կենդրոնը, Տենօխտիտլան մայրաքաղաքը, (այժմեան Մէքսիկայի տեղը) գտնւում էր 2280 մետր բարձրութեան վրայ, իսկ Պերուի Կուցկօ քաղաքը 3500 մետր բարձրութեան վրայ էր։ Եյդ երկու երկրներումն էլ աւելի քիչ ջերմութիւն ու խոնաւութիւն կայ, քան թէ միջին և հարաւային Ամերիկայի միւս մեծագոյն մասերում։

Վերովիշեալից կարելի է եղրակացնել, որ թէւ քաղաքակրթութիւնն իւր արմատով սերտ կապակցութիւն ունի զետնի մշակութեան հետ, սակայն առաջինի զարդանալովը՝ վերանում է այդ երկուսի յարաբերութեան անհրաժեշտութիւնը։ Երբ ազգերն աճում են իրենց քաղաքակրթութիւնն էլ խզում է զետնի հետ ունեցած կապը և հետզհետէ զարդանալով աւելի և աւելի ստեղծում է այնպիսի զործոններ, որոնք միմիստն արմատացմանը չեն ծառայում։ Կարելի է ասել, որ երկրագործին յատուկ է մի բնական անզօրութիւն. նա զէնքի զործածութեան անսովոր լինելով՝ սիրով ստացուածք է ձեռք բերում, նստակեաց կեանք վարում և կորցնում է իւր արիութիւնն ու ձեռներէցութեան ողին։ Ընդհակառակը քաղաքական ոյժի արտայայտութեան ամենաբարձր չափը գտնում ենք որսորդների և հովիւների մօտ, որոնք շատ հանդամանքներով երկրագործին իրրե բնական հակոտնեալ են հանդիսանում, նաև մանաւանդ հովիւները, որոնք իրենց շարժունութեան հետ միացնում են բազմութեամբ ասպարէդ իջնելու ընդունակութիւնը, իսկ ոյժի հետ կապակցում են կարգապահութիւնը։ Հէնց այն, ինչ որ երկրագործին դժուարութիւն է պատճառում այդ ոյժը զարդացնելու համար, այսուղ իրրե նպաստող հանդամանք է առաջանում. այնէ նստակեաց կեանքի պակասութիւնը, շարժունութիւնը, ոյժի, արիութեան և զէնք զործածելու վարժութիւնը։ Եւ եթէ մի հայեցք ձգենք երկրի վրայ, կտեսնենք իսկապէս, որ այսպէս կոչուած կիսաքաղաքակիրթ ազգերի ամենահաստատուն կաղմակերպութիւններն առաջացել են այդ տարրերի ի մի ձուլուելով։ Զինաց անպայման երկրագործ ժողովրդին, մոնղոլներից յետով, իշխում են մանդշուները, պարսիկներին տիրում են Թուրքեստանի իշխողները. եղիսպտացիները գտնւում էին հեկսոսների, արաբների և այժմ էլ գտնւում են թուրքերի իշխանութեան ներքոյ. սրանք բոլորը թափառական ազգեր են։ Աֆրիկայի ներսը թափառական վահումաներն են Աւգանդա և Ռւնիօրօ հաստատուն պետութիւնների հիմնադիրներն ու պահպանողները։ Սուդանի պետութիւնների շարքի մէջ, որ ծովիցծով է ձգւում, ամեն մի առանձին պետութիւն հիմնուել է

անապատներից և ամայի տեղերից գաղթողների ձեռքով։ Մէքսիկայում ըիրտ ացտէկները նուանել են քաղաքակիրթերկրագործ տօլտէկներին։ Անապատի և մշակուած երկիրների սահմաններում վերոլիշեալ կանոնը կարելի է բազմաթիւ օրինակներով հաստատել։ Սրանով մենք ճանաչում ենք պատմութեան մի օրէնքը։ Ուրեմն սակաւ պտղաւէտ բարձրաւանդակներն ու անմիջապէս դրանց կից գտնուող երկրի շերտերն ամեն տեղ ոչ թէ այն պատճառով են նպաստել բարձրագոյն քաղաքակրթութեան զարգացմանը և քաղաքակիրթ պետութիւնների կազմութեանը, որովհետեւ ցուրտ կլիմա ունենալով՝ ստիպել են ժողովրդին երկրագործութեամբ պարապելու, այլ որովհետեւ այստեղ թափառական ազգերի նուանող և կապակցող ոյժը միացաւ քաղաքակիրթ օազիսներում միատեղ սեղմուած սակայն պետութիւն կազմելու անկարող, երկրագործի աշխատասիրութեան հետ։

Քաղաքակրթութեան նպաստող և խոչընդուռ հանդիսացող տեղական հանգամանքներից դուրս՝ նման կլիմայական պայմաններում, կլիմայի ներգործող յատկութեան շնորհիւ առաջանում են քաղաքակիրթ երկիրներ, որոնք դօտու ձեռք դասաւորուած են երկրագնդի շուրջը։ Դրանց կարելի է բաղաբանական զօտիներ անուանել։ Այն պատմական փորձերի հիման վրայ, որ ցայսօր յայտնի է մարդկութեանը, բարեխառն զօտին խոկական քաղաքակրթական զօտին է։ Իրողութիւնների ամբողջ շարքեր վկայում են այդ բանը։ Վերջին երեք հազար տարուայ ամենաշանաւոր պատմական զարգացումներն այս դօտուն են պատկանում։ Հնագոյն պատմութեան սիրտը բարախում էր Միջերկրական ծովի շուրջը, այդ դօտու տակ. որ այդ պատահական բան չէր, շատ որոշ կերպով ապացուցանում է այն հանգամանքը, որ պատմական զարգացումը հաստատուն մնաց բարեխառն դօտու տակ՝ նաև Եւրոպայից դուրս, նոյն խոկ եւրոպական քաղաքակրթութեան նոր աշխարհներում տարածուելուց յետով, ինչպէս Ամերիկայում, Աֆրիկայում և Աստրալիայում։ Թէև անվերջ կերպով բազմաթիւ թելեր են հ ւաւում

այս գործուածքի մէջ, բայց որովհետեւ այն ամենը, ինչ որ ստեղծագործում են ազգերը, վերջ ի վերջոյ անհատի գործունէ ութեան վրայ է հիմնւում, անկասկած է, որ ըստ կարելոյն շատ գործելու ընդունակ անհատներ հաւաքւում են բարեխառն զօտու տակ: Քաղաքակրթութեան առանձին շրջանների միանում են մի քաղաքակրթական գոտու տակ, որտեղ հաղորդակցութիւնները, փոխանակութիւնը են քաղաքակրթութեան տարրերի բազմանալն ու հաստատուիլն ամենայաջող պայմանների մէջ են լինում. ուրիշ խօսքով որտեղ, քաղաքակրթութեան պահպանումն և յառաջադիմութիւնը կարող են ծաղկել աշխարհագրական ամենամեծ հիմքերի վրայ:

Հնագոյն կիսաքաղաքակրթութիւնները, որոնց մնացորդները գտնում են արևադարձային երկրներում, պատկանում են այնպիսի ժամանակի, երբ քաղաքակրթական աշխատանքը այնպիսի մեծամեծ պահանջներ չէր անում անհատներից, բայց երբ հէնց այդ պատճառով քաղաքակրթութեան բարդաւաճումըն անցողական էր: Հին և նոր քաղաքակրթութեան աշխարհագրական ծաւալման ուսումնառիրութիւնը ցոյց է տալիս, որ քաղաքակրթութեան գոտիների քաղաքակրթական վաստակի աճումը տեղի է ունեցել բարեխառն կլիմայում: Այս խորհրդածութիւնը մեծ նշանակութիւն ունի մարդկային սեռի սկզբնական պատմութեան, նրա տարածման սլատմութեան և արևադարձային երկրներում մնացած քաղաքակրթութեան բեկորների բացատրութեան համար: Քաղաքակրթութեան անկման մի ուրիշ եղանակը ցոյց են տալիս այն օրինակները, որ քաղաքակրթութեամբ աւելի ստոր ազգերը կանում են քաղաքակրթութեամբ իրենցից աւելի բարձր կանգնած ազգերին. առաջիններին օգնութեան է հասնում կեանքի դժուար պայմաններին աւելի լաւ յարմարուելու առաւելութիւնը: Արհամարուած սկրէլինդներն իրենց մէջ ընդունեցին Գրեօնլանդիայի հորմաններին: Չէ որ արկտիսի սառցապատները գնացող եւրոպացիների խմբերն, այդտեղ եղած ժամանակի ընթացքում, յարկադրուած էին հարմարուել էսկիմոսների սովորութեանը և ուսանել արկտիսի ընակիչների ազուեստներն ու հմտութիւննե-

քը, որպէս զի կարողանալին բևեռալին գօտու բնութեան ոլժերի հետ կուիւ մղել։ Այդպէս էլ արևադարձալին և բևեռալին երկրների գաղթականութեան յաջող հետեանքներն ապահովելու համար՝ եւրոպացիք յարմարւում են բնիկների պահանջներին։

Անկատար միջոցներով գլուխ եկած լիակատար քաղաքակրթութիւնը ճաշակաղիտական և բարոյաղիտական տեսակէտից աւելի վսեմ երևոյթ է, քան թէ դէպի բարձրը ձգտելու և անման միջոցին տարրալուծուած քաղաքակրթութիւնը։ Այդ պատճառով և բարձր ու ստորին քաղաքակրթութեանց իրար շօշափելու առաջին հետեանքներն անհանելի են լինում։ Յիշենք օրինակի համար կէտորսների և փախստական նաւաստիների առաջին գաղթականութիւնները՝ արուեստներով և աւանդութիւններով հարուստ Նոր-զէէլանդ կամ չաւալի կղզիներում և կտեսնենք թէ լինչպիսի աղղեցութիւն ունեցաւ ալդտեղ առաջին օղէտների և անառականոցների՝ բացուիլը։ Հիւսիսալին Ամերիկալի վերաբերմամբ առաջին անգամ Ճօօլկրաֆտն ուշադրութիւն դարձրեց այն արագ անկման վրայ, որ կրեց բընիկների տնական արդիւնաբերական գործունէութիւնը, երբ սպիտակամորթները ներմուծեցին աւելի կատարելազործուած և նպատակալարմար գործիքներ, կշիռներ, զգեստներ և այլն։ Երբ եւրոպական վաճառականութիւնը դիւրութեամբ սկսեց մատակարարել այն ամենը, ինչ որ երկար, յարատեւ և դժուար աշխատանքով հազիւ կարողանում էին անկատար կերպով պատրաստել մինչև այդ ժամանակ, բնիկների գործունէութիւնը պակասեց ոչ թէ մշակն դաշտում, ուր նրանք բաւականին գործ էին անում, այլ և առհասարակ թուլացաւ, կորցրեց ինքն իրեն վրայ վստահ լինելու զգացմունքը և ալդպիսով ժամանակի ընթացքում նոյն իսկ արուեստն անյալտացաւ։ Այսօր յալտնի է մեզ, որ նոյնը տեղի է ունենում Աֆրիկայում, Պոլինէզիայում և խեղճ էսկիմոսների աշխարհում։ Աֆրիկալի համար հաստատուած կանոն է, որ ծովեղբներին տարածուած է քալքալման շրջանը, դրանից յետոյ գալիս է բարձրը քաղաքակրթութիւնը, իսկ ամենալաւը երկրի ներսումն է,

որ դեռ ես շօշափուած չէ։ Նոյն իսկ ջապօնական ինքնուրոյն արուեստը նահանջեց՝ արուեստագիտական կողմէց աւելի ստորին աստիճանի վրայ գտնուող եւրոպականի դիմացը։

### ԿԵԱՐՈՒՅԱԿՈՒԻ

*գերմաներենից թարգ. ԻՍ. ՅԱՐՈՒԹԻՒՆԵԱՆՑ.*